

vortzigen vnd begebenn auch genugsame vnd ierliche abfertigunge bekommen, dorauf die herren sequestratores quittirt vnd losgesagt hat, wie dise vorgeschriebene vortzicht vorlawtet. Ich vnd die hernachgeschriebene getzewgen haben auch gesehen, das er dise vortzicht mit seiner aigen handt vnderscrieben, das sigil anhangen lassen vnd dasselb den obgenanten hern sequestratoribus zugestalt vnd vbergeben, dortzu ich vnd die getzewgen mit namen Valten von der Criebe vnd Wolf Prager erfordert vnd requirirt sein ꝛc.

Nach dem Orig. im K. Haupt-Staatsarchiv zu Dresden mit dem Probsteisiegel an einem Pergamentstreifen.

Ueber die verschiedenen Besitzungen und Güter des Klosters wurden seit 1540 Inventarien allerlei Art aufgenommen; eines der letzten über die zahlreichen in der Sakristei der Afrakirche vorgefundenen Gegenstände des Kirchenornats (Messgewänder, Altartücher u. s. w.) vom 16. Juli (Mont. post divis. apostolorum) 1543 ist in Oertel's Schrift ‚das Münster der Aug.-Chorherren zu St. Afra‘ (Meiss. 1843) S. 183 ff. abgedruckt worden.

No. 357. 1540. 13. Dec.

Die wegen Einziehung der geistlichen Güter verordneten Sequestratoren bewilligen dem Probst Nic. Klunker bei seinem Rücktritte eine sofort zu leistende Entschädigung und eine Pension auf Lebenszeit: Des durchlauchten hochgepornen fursten vnd hern hern Heinrichen hertzogen zu Sachssen — lanndtschaft im lande zu Meissen vf seiner furstlichen gnadn befelch verordente sequestratores mit disem vnserem brieue bekennen —. Nachdem der wirdige vnd achtbare herre Nicolaus Klungker probst des closters zu sandt Affran zu Meissenn die administracion vnd verwaltungse seines closters aus cristlichen vnd hochbewegenden vrsachen vormoge seines vorzichts vnd vflasbrieues die hinforder zu der landtschafft besten zubestellen hat vfgetragen vnd gantzlichen vbergeben, so haben wir vns an stadt gemeltes fursten vnd gemeinen landtschafft inhalt vnserer gegebenen volmacht vnd instruction — mit ime vorglichen vnd entlichn vortragen, das man ime itzo vonstundan dreissigk gulden ein fas wein ein fas bier ein schwein vnd zweine scheffel korn sobaldt er das closter rewmet auch das betthegewandt vf seinen leib, ein tischlein, ein sidel, vier zinen schusseln vnd drey kannen zur hawshaldunge vnd abfertigunge vor sich zugebrawchen sal folgen lan, dergleichen so haben wir ihn auch mit einer freyen behawunge die zu der vicarien die her Valentinus Albertus innehat gehorigk vf sein lebenslangk, die er dann in bawlichem wesen halten sal, vorsehen. Vnd sal ime hinforder der vorwalter des closters ader seine nachkommende souern er sich vnser gnedigen hern cristlichen confession vnd religion gemes thut vorhalden zu seinem vnderhalt jerlich ein hundert gulden an gelde vnd sechs scheffeln korn von des closters einkommen bis zu beschlis seines lebens reichen vnd gebenn, welche pension an gelde vnd getreide nach seinem todlichen abgange widerumb an das closter zu sandt Affren zu Meissen kommen vnd fallen sal ꝛc. Des zu urkhunde — gegeben zu Meissen montags nach Nicolai 1540.

Nach dem Orig. auf Papier im K. Haupt-Staatsarchiv zu Dresden mit 4 aufgedrückten Siegeln.

No. 358. 1540. 14. Dec.

Herzog Heinrich genehmigt und bestätigt die dem Probst Nic. Klunker bei seinem Rücktritte gemachten Bewilligungen: Vonn gots gnaden wyer Heynrich hertzog zu Sachsen landgraf in Düringen vnd marggraf zu Meissen bekennen hirmit vnd thun kunth, das vns der wirdige vnser liber andechtiger herr Niclas Klunker probst des closters zu sant Affran zu Meissen anbracht, nach dem er des angetzeigten closters weltlich regiment frey vnd vngenotigt abgetreten, das ihme dargegen die zeit seines lebens eyne ierliche provision vnd vnderhaltung von den sequestratoribus von vns vnd vnsern landstenden ins land zu Meissen vorordent vorschryben wurden